

A. p. 4 57

Q. D. B. V.

DISSERTATIO MEDICA INAUGVRALIS
DE

MINERALIVM ME-
DICAMENTORVM
PRAESTANTIA

QVAM

CONSENTIENTE

GRATIOSO MEDICORVM ORDINE
IN

INCLYTA ACADEMIA ALTORFINA

PRO LICENTIA

HONORES ET PRIVILEGIA DOCTORVM
LEGITIME IMPETRANDI

PVBlico PHILIATORVM EXAMINI
SVBMITTIT

A. D. XXXI IAN. A. S. R. 613 1366 XXVII

IOANNES FRIDERICVS HERBST
KITTINGA FRANCVS.

1775

Q. E. A. N.

DISSECTATIO MEDICA MANUSCRIPTA
DE
MINERALIUM
DICAMENTORUM
TRAECTATUS
CONSISTENTE
GRATIOSO MEDICORUM ORDINE
IN
INSTITUTA ACADEMIA ALTORINA
PRO LICENTIA
HONORIS ET PRAELEGII DOCTORUM
LEGITIME HABITANDI
FRANCISCO FRIEDRICHUS HERBST
A. T. MED. AM. A. D. 1775
JOHANNES FRIEDRICHUS HERBST
KITTINGENSIENSIS

TYPE LOD. GUIL. FORTSCH. ACAD. TYPOG.

REVERENDISSIMO

ATQUE

CELSISSIMO

S. R. I. PRINCIPI

AC

DOMINO

DN. CHRISTOPHORO

FRANCISCO

EPISCOPO VVIRCE-

BVRGENSI

FRANCIAE ORIENTALIS

DVCI

PRINCIPI AC DOMINO

MEO CLEMENTISSIMO

VITAM ET FELICITATEM!

REVERENDISSIME CELSIS-
SIMEQVE PRINCEPS,

DOMINE CLEMENTISSIME!



Vm optimum quemuis Tuorum,
PRINCEPS OPTIME, subdito-
rum certatim contendere uideam ad
uenerationem uirtutum Tuarum, emi-
nentissimo dignitatis Tuae fastigio ae-
ualium praestandam, TIBIque nullius, etiamsi fortis-
simae hominis, ingratum eiusmodi cultum pietatis
esse

esse intelligam, tot exemplis excitatus ego etiam non
uereor accedere ad Tuum, DOMINE CLEMEN-
TISSIME, thronum, Tuosque ad pedes deponere
exiguum hoc studii mei academici specimen, in quale
cunque signum demissae reuerentiae, qua Tuas singu-
lares et rarissimas, sed tanto Principe dignas, prosequor
uirtutes. Harum equidem summam ullis consequi lau-
dibus me posse despero, unicum tamen, quod propius
ad me meamque professionem spectat sine omni, meo
licet indigno plane praeconio, praetermittere specimen
nequeo, eximiam nempe illam prouidentiam, qua ciuium
ac subditorum Tuorum saluti consultum nuper uoluisti
renouando partim et amplificando utilissima statuta re-
medicae ac pharmaceuticae, per omnem ditionem
Tuam religiose obseruanda. Quo ipso tam laudabili
opere luculenter promeritus es, ut idem TIBI unum
omnium ore tribuatur, quod olim Cicero attribuisse
fertur Iulio Caesari: *Nihil habet, nec fortuna tua maius,
quam ut possis, nec natura tua melius, quam ut uelis con-
seruare quamplurimos.* Patiaris igitur, CLEMEN-
TISSIME PRINCEPS, ut illius publicae felicitatis,
quam bonitati Tuae debemus, ego etiam particeps fiam,
quod tunc uel maxime impetraturus sum, ubi benigni-
ter induleris, ut in patria mea ciuitate, quae Tuo gau-
det mitissimo imperio, Artem medicam, cuius tyrocini-
um nuper deposui, libere exerceam, atque ita inter
eos,

os , qui populo Tuo , in causa ualetudinis, ad gratiosissimum nutum Tuum inferuire gestiunt, aliquem locum nueniam. Interea , tametsi compluribus , meæ conditionis hominibus , in tanta seruorum Tuorum multitudine, facultatibus meritisque debeam cedere, pia tamen uoluntate , & assiduis , pro incolumitate Tua , uotis precibusque, concedam nemini , donec emoriar

REVERENDISSIMAE CELSITVDINIS TVAE

Subditus seruusque fidelis

Ioannes Fridericus Herbst,
Kittinga-Francus.

PRAEFATIO.



Vae quondam paucarum fuit scientia herbarum, medicina, teste Seneca () eiusdem aetate iam in multiplicem peruenit uarietatem, cum nempe crescentibus mortalium uoluptatibus, ac per has amplificato morborum numero, plura subinde nouaque ualitudinis praesidia quaesita et inuenta sunt. Quare non modo plantarum genus amplissimum maiori studio pertentatum, et in uirtutes complurium curiosius inquisitum fuit, uerum etiam ab aliis rerum naturalium ordinibus depromi coeperunt idonea morborum remedia : hinc illa τῆς ὕλης ἰατρικῆς siue materiae medicae distributio, secundum tria, uulgo dicta, naturae regna, minerale sc., uegetabile et animale. Quod si de numero specierum, siue communiter dictorum simplicium haberetur quaestio, utique plantarum genus duo reliqua superare deprehenderetur multitudine specierum, ad medicos usus traducta. An uero idem ordo, habita uirtutum et effectuum ratione, primas tueri pariter queat, uix satis manifestum expeditumque esse puto. Sydenhamius, eruditione medica inter Anglos nulli secundus (**)* libere quidem statuit, plantarum genus reliquae omni,

A 2

qua

(*) Epist. XCV. (**) in praef. obs. med. morb. acut. p. m. 31.

qua patet, materiae medicae palmam praeripere, et quod specificorum remediorum inueniendorum spem uberrimam faciat; cum animalium partes cum humano corpore nimium conuenire uideantur, nimium dissidere mineralia; unde fit, quod mineralia indicationibus potentius respondeant, quam uel plantae, uel ex animalibus desumpta, non tamen specificè medeantur, *eo quidem sensu ac modo, quem auctor statuit. Circa ipsum illum modum, et Sydenhamii de eodem doctrinam, nulla in praesenti controuersia mihi erit; hoc autem paulo prolixius per exempla uaria comprobare constitui, quod e minerali regno petenda remedia, licet multitudine ac numero specierum cedant uegetabilium, fortassis etiam animalium generi, uiribus et effectibus non parum praestent, neque minus secure et incunde, quam uelociter sanare morbos quamplurimos possint. Haut equidem ignoro, propositum hoc eiusmodi esse, de cuius ueritate multi parum dubitauerint, aliqui uero idem ab aliis abunde pertractatum existimaturi sint: nihilominus tamen spero fore, ut in modo tractationis atq; demonstrationis, quaedam lectione haut indigna in medium proferre, aut saltem officio meo, pro exhibenda, INAUGVRALI DISPUTATIONE, apta materia, quodammodo satisfacere queam. Faxit NUMEN DIVINUM, ut hoc eueniat feliciter!*

§. I.

TAmetsi neminem, nisi doctrinae physico-medicae omnino expertem, latere arbitror, quidnam MINERALIVM RERVVM ac remediorum uocabulo indigari hodie soleat? Omnis tamen ambiguitatis euitandae causa breuiter insinuo, dictante *Lexico med. Castellor-Brunoniano*, τὸ MINERALE duplicem habere significationem; et late quidem sumi pro omnibus illis corporibus naturalibus mixtis, quae non comprehenduntur sub uegetabilibus et animalibus, et alias dicuntur *res macrocosmicae*: stricte uero significare eas res, quae participant quadantenus de metallis, sed non sunt perfecte talia, unde et *semimetalla* a quibusdam uocantur; ego uero priorem, nempe latiore, *omne genus rerum terrestrium, inanimatarum et fossilium* complectentem, significationem, libere dandam mihi postulo. Ceterum nemini contradicam, qui forte istud uocabulum, *minerale*, et auctoritate et etymo apud Latinos carere censeat: sicuti etiam *regni* appellationem, ad illius generis rerum medicinalium accuratam designationem parum esse congruam facile concesserim: de reliquo autem, *uerba ut nummos ualere*, lubens permittam.

§. II.

Ad rem ipsam antequam progredior, et *eminentiores MINERALIVM uirtutes*, secundum genera praecipua edissero, placet occurrere quibusdam *obiectionibus*, quae moueri fortasse queant, et illi cumprimis, *quod mineralium remediorum materia difficillime, aut plane non dissolui ac subigi a uentriculo humano possit*, atque ideo perperam ista adhibeantur. Cui quidem dubio ut breuiter respondeam, nego primum, quod sit de essentia boni cuiusuis medicamenti, ut a stomacho conficiatur, et in succum

sanguinemque conuertatur; cum potius auctores optimi *discrimen inter alimenta et medicamenta* consistere statuunt in eo, quod illa *patiantur* in corpore, coctionem sc. ac digestionem; haec (nempe medicamenta) in eodem *agant*, aut educendo aliquid noxii et superuacui, aut *alterando siue mutando in melius*. Vtroque autem nomine multifariam et insigniter prodesse MINERALIA, sicuti generatim nemo, nisi plane hospes in medicina, negauerit, ita sequentibus paginis exempla luculenta confirmabunt. Praeterea nec uniuerse uerum hoc est, nulla prorsus *mineralia* in uentriculo resolui; contrarium enim uel e solo Eium exemplo manifestum est; ne quid de bituminibus, succino, ambra dicam; ipsum ferrum, etiam si crudum adsumtum, profunda nigredine ista, qua feces alui imbuunt, intimiorem sui dissolutionem a stomacho factam, satis declarat.

§. III.

Alterum, quod obiici fortasse mihi possit, in eo uersatur, *quod mineralia, laudabilem quendam effectum editura, laborioso admodum artificio praeparationis indigeant*, quo in plerisque uegetabilibus et ab animalibus petitis remediis nihil opus sit. Talia ingerenti regererem ego primum, neutiquam constare cum praxi quotidiana, saltem hodierna, quod e plantis, nedum animalibus desumpta simplicia pleraque, *citra praeparationem* adhibeantur. Ut enim taceam tot aquarum, essentiarum, tincturarum, extractorum, syruporum etc. satis operosas elaborationes, complura sane istorum ordinum simplicia si non ampliorem aliquam praeparationem, certe *contusionem et in formam pulueris conuersionem*, uel etiam plus minus longam *macerationem*, aut *coctionem* requirunt. Atqui tales, pro leuiculis et quasi nullis habiti uulgo *praeparandi*

randi modi, non raro quoque sufficiunt *mineralibus* utiliter adsumendis.

§. IIII.

Ecquid enim ad propinationem *terrarum medicinalium*, itemque *salium natiuorum*, dummodo satis purificatorum, nec non *cinnabaris natiuae*, *sulphuris*, *succini*, *ambrae* usum, etiam internum opus est saepiuscule, quam *sola simplex contusio in puluerem subtiliorem*? nonnullis uero istarum rerum, ut recte adsumi queant, *sola* quoque *rudis* satisfacit *coctio cum aqua simplici*, exemplo lippis et tonsoribus hodie notissimo *antimonii* et *mercurii crudi*, quorum etiam utrumque *in substantia*, et argentum quidem uiuum, saltem purum, *citra omnem praeparationem*, uariis in casibus exhiberi solent. Similiter *salia*, *nitrum* praecipue, tum et *alumen*, *sal ammoniacum* etc. *sola aquae extemporali solutione* accommodantur, partim internis, partim externis usibus. *Thermae* autem et *acidulae aquae* omnem plane excludunt praeparationem, qua etiam *alii fontes soterii minerales* facillime carent, si forte *simplicem calefactionem* excipias, pro balneo. Quare non apparet, quo iure *mineralia*, molestioris praeparationis respectu, postponi ceteris simplicibus aliorum ordinum debeant.

§. V.

Quamuis autem sic satis multa reperiantur *in regno minerali iuxta*, seu facile parabilia, quae hoc etiam titulo prae multis aliis sese commendent, obiicere tamen quis porro posset, *quod nihilominus permulta, praesertim metallica*, ut medicis usibus inseruire queant, *uiolentam in igne tractationem*, non uno nomine ambiguam et periculosam postulent. Quae sane praekoncepta opinio non solum olim, sed in hunc usque diem ualde suspecta reddidit illius generis medicamenta, odioso *chimicorum* titulo.

tulo. At enim uero, cum apud peritiores homines, etiam non medicos, hoc tempore multum remiserit uanus ille metus, *uiolentae nimium et periculosaе mineralium praeparationis, eorundemque propterea parum securi usus*, non admodum moror istam qualemunque incusationem. Egent saepe non minus uehementi ignis impetu uegetabilia quaedam, ut nobiliores suas partes, olea, spiritus, salia elargiantur, aut in cineres redacta fixum sal reddant, perinde ut animalium partes, ossa, cornua, donec spiritus, salia uolatilia & olea, idoneasque medendo calces praebeant. Difficultas elaborationum eo minus iuste exprobratur artificibus, quo magis constans et uerum hoc permanet, quod ueteri est in prouerbio quasi: *ardua, quae pulcra!* Possunt autem ac solent multa praeparari etiam *citra ignis uiolentam accessionem*, praestantissima licet remedia, nemini non dicta *chimica*, u. g. *aethiops mineralis*, *crocus item Solis*, per solam agitationem diurnam in mola philosophica, ab inuentore *Langelotto* nuncupata, in alcohol, siue puluerem tenuissimum redacto sic auro. Minoris adhuc laboris est ille *crocus Solis uulgatior*, qui per solam auri foliati coctionem cum quibusdam salibus, et his adfusa iterum aqua demptis, per lenem calcinationem perficitur. Ne plura eiusmodi commemorem remediorum paradigmata, quorum prolixiorum instituit recensitionem singulari tractatu, haut ita pridem uulgato, et *paradoxi chimici sine igne*, inscripto D. D. *Ern. Gotth. Struue*. (*)

§. VI.

Sed neque hoc, salua ueritate concedi potest, quod *in uniuersum periculosaе sint rerum mineralium praeparationes chimicae*, et hoc modo elaboratorum remediorum ambi-

(*) Ienae A. 1715. in 8.

ambigui effectus. Prudentem utique, peritum et accuratum artificem ista requirunt; a tali uero elaborata, et a medico, rite obseruatis dosibus, secundum indicationes praescripta, *non minus secure, adhibentur, quam quaeuis alia*. Sunt etiam non pauca *e mineralium*, quae chimice praeparata censentur, *medicamentorum* genere, in quorum dosi quantumuis incerta, et liberaliore, non facile peccari potest, exemplo *magnesiae albae, salis cathartici Angl. antimonii diaph. aethiop. mineralis* etc. In complurium aliorum dosibus non maiori opus est cautione, quam in praescribendis *fortioribus purgantibus e regno uegetabili*, e. gr. helleboro, esula, colocynthide, asaro, gummi guttae, etc. quorum etiam nonnulla haut minorem in praeparando accuratationem, quam *mineralia* ipsa postulant. Quid? quod ne scillam quidem, inter mitiora licet numeratam remedia, nisi praeparatam coquendo cum massa panis in clibano, praescribere ad usum internum communiter sustinent medici.

§. VII.

Missas itaque nunc facio qualescunque illas *obiectiones*, satis, ut opinor, confutatas, et propius accedo ad *thematis mei evolutionem*. Ne autem confuse id peragam, obseruare inprimis iuuabit istam generalem, dudum receptam et in §. II iam commemoratam *medicamentorum diuisionem*, in EVACVANTIA et ALTERANTIA. Vtrique generi, tanquam summo, plures substant ordines ac diuisiones, secundum effectus, quos edunt. Neutiquam uero constitutum mihi est, omnes ac singulos ordines istos, aut *genera subalterna remediorum* attingere, nedum singulas *usitatorum mineralium*, quae sub unoquoque comprehenduntur, in medium adferre; quandoquidem sufficiet pro instituti ratione, *e singulis classibus*

B

ordi-

ordinibusue unum duntaxat alterumue specimen simplicioris aut praeparati compositiue medicamento depromere, ex quo patere possit, quantum praestent illa mineralis pro-sapiae pharmaca reliquae materiae medicae; quod ita quidem a L. B. accipi uelim, ut suo in genere, tam uegetabilis quam animalis regni medicamentosis rebus, et singularum probatis uirtutibus nihil derogetur, mineralium uero tantum eminentia compareat.

§. VIII.

In eo autem amplissimo auxiliorum medicorum genere, quod *euacuantium* nomine uenit, et omnia ea complectitur, quae aliquid inutile aut superuacaneum, naturaeque inimicum ex humano corpore per uias congruas educunt, nullis secunda sunt EMETICA seu VOMITORIA, quae conceptam et cumulata in uentriculo saburram, et cruditatem quamlibet, breuiore uia per gulam sursum eiiciunt. Huiusmodi remediorum ex uegetabili, multoque magis animali regno adeo parcus est apparatus, ut uel solo hoc respectu *praestantiam* suam abunde tueantur *mineralia*. Quae enim quondam e plantarum ordine frequentata fuerunt perpauca, helleborus scilicet albus, asarum etc. ipsorummet ueterum medicorum testimonio ancipitem praebuerunt usum, ac saepe frustrata sunt artificis intentionem, aut plus aut minus, interdum etiam plane alienum agendo. Piget adducere ista, quae *Celsus* (*) et alii priscorum medicorum de sua *radicula*, ceterisque uomitus ciendi rudibus plane praefidiis tradiderunt. Ast enim uero nuper admodum fama increbuit ex Nouo Orbe adductae *radicis Ipecacuannhae*, cuius sane prompta in uomitu ciendo energia, simul etiam securitas tanta est, quae omnibus aliis simplicibus aut compositis eiusdem regni palmam praeripit.

§. VIIII.

(*) Lib. I. Cap. 3.

§. VIII.

Hoc autem incommodi habet laudata tantopere *Ipecacuannha*, quod paulo diffusior sit, nec infra ʒj. aut ʒss. adulto homini cum fructu exhibeatur, sapore insuper ingrato amaricante praedita sit. Quae uero e *minerali regno* petuntur EMETICA, praesertim ANTIMONIALIA, longe sunt concinniora, et horum ex ordine instar omnium TARTARVS EMETICVS, quotidiano uulgatissimoque experimento, duorum aut trium granorum pondere adaequat istam *Ipecacuannhae* molem. Ne quid nunc dicam de *infusis*, *poculisque ex uitro et regulo antimonii*, de *sirupo* item et *oxysaccharo emetico*, multoque minus de *mercurio uitae*, antimonialis pariter indolis emetico, plurimum suspecto. Neque placet in exemplum adducere, quod ex *uitriolo* parare docuit *Angelus Sala*, *sal uomitorium*, tametsi hoc ualde commendetur a quibusdam in apoplexia, prudenter quidem limitato usu a Cl. *Iunckero* (*); quod ideo huc reponere uereor, quoniam perinde ut *Ipecacuannha*, largiorem dosin requirit, et nauseosum existit.

§. X.

IN PURGANTIVM stricte sumtorum, siue CATHARTICORVM *censu* amplissimus quidem e regno uegetabili est numerus, quorum alia leniter admodum euacuant, alia potentius aluum mouent, alia etiam uehementissime id praestant, ut in hoc genere nihil desiderari posse, aut aliunde petitis purgantibus nihil opus esse uideatur. Quamuis autem meritissimo suo celebrentur pharmaca ista, et *selectiora* imprimis e uegetabilibus *purgantia*, unum tamen e minerali regno adducere licebit MERCVRIVM DVLCEM communiter dictum, non minus uulgaris hodie praeparationis, quam utilitatis catharticum, et

tam securitatis quam efficaciae respectu nulli secundum, tametsi ad illam nonnullorum uegetabilium, e.g. colocynthidis, elaterii, esulae, gummi guttae etc. uiolentam agilitatem haut accedat, propter hunc ipsum *moderatioris genium suum* eo magis aestimandus, quo magis tuto adhibetur, imbecillis etiam, et qui fortiora purgantia non facile ferunt. Est uero *peculiaris haec mercurii dulcis commoditas, quod peracta catharsi, aluum nihilominus apertam et liberam relinquat*, cum ab aliorum, praesertim aloëticorum usu, ordinarie molesta admodum obstructio aut siccitas alui emergat. Videtur autem istud beneficium, a *mercurio dulci* expectandum proficisci a uirtute singulari glandulas intestinorum referendi et lympham earum attenuandi, blandeque prouocandi, unde etiam est, quod paruis, sed repetitis dosibus idem *mercurius dulcis* saluationem et ptyalismum proritet.

S. XI.

Hoc loco non alienum existimo referre nobilissimum illum, quem *crudus* quoque, siue *VIVVS MERCVRIVS* praestat *usum in uolunto*, seu illa passione iliaca, quae seorsim oritur, quando intestini quaedam portio alteri praeter naturam intrusa, uiam transitumque excrementis et flatibus praecludit: In tali casu tantum non desperato, et in quo fortissima etiam purgantia parum aut nihil omnino proficiunt, ad *argentum uiuum*, tanquam ad sacram ancoram confugere iubent medici, aliquot unciarum pondere, uel ad integram usque libram hauriendum, praestantissimo interdum euolutionis ac reformationis euentu obseruato, et aegrotante ueluti ex mortis faucibus liberato. Quoniam autem non tam interna (quam uocant medici) forma, seu purgandi facultate, sed *exquisita celerrimaque mobilitate sua, cum summa graui-*

gravitate coniuncta, istum apertionis effectum producit, ideo medicamentis catharticis proprie et stricte dictis, illud accensere nolo.

§. XII.

Ceterum praeter *dulcem*, uix unquam satis laudandum *mercurium*, alia quaedam *ex hydragyro parata cathartica*, et olim in usu fuerunt & adhuc a quibusdam medicis commendantur, nominatim TVRPETHVM MINERALE, praecipitati mercurii specimen, cuius tamen uiolentiam haut immerito reformidant cordati uiri, quorum auctoritate inductus, idem et consimilia in exemplum praestantiae uereor proponere. Neque etiam opus est, ut solícite conquiram plura *e minerali regno parabilia purgantia*. Vnum tamen non possum praetermittere silentio, usitatissimum hodie SAL CATHARTICVM ANGLICANVM, a primo inuentionis et elaborationis loco EPSOMENSE nuncupatum, sed cui simile nunc passim conficitur, ac uili pretio diuenditur. Eximias dotes eius, quas non *euacuando* saltem, uerum etiam diuersimode *alterando* uariis in affectibus exerere perhibetur, sigillatim hic recensere non lubet: hoc autem libere fateor, id imprimis mihi displicere circa usum illius *salis* cathartici, quod larga admodum dosi ad ʒß aut amplius exhiberi debeat, et adeo *uix referri queat inter medicamenta concinniora*. Sed enim uero eadem est conditio AQVARVM MINERALIUM; quae purgando aut aliter euacuando ualent, quod suam hanc utilitatem haut conferant, nisi affatim potentur, quod quidem multis mortalium ex communi praeiudicio et consuetudine, non modo non ingratum, sed in deliciis esse constat.

§. XIII.

Amplissimus hic se aperiret campus depraedicandi *virtutes, quasi catholicas in euacuando, quorundam fontium,*

tium, praesertim THERMARVM, cuiusmodi praestantissimae sunt CAROLINAE in Bohemia. Verum enim uero, cum de ipsarum praerogatiuis haut ita pridem singulari dissertatione hic loci habita (*) prolixè tractatum sit, ad ipsam remitto L. B. et hoc tantum breuiter huc transfero, quod obseruatum fuerit, in una quadam persona nullam, quae naturae ad corpus expurgandum usitata sit, officinam et uiam, istas thermas decenter administratas intactam reliquisse. De aliis huiusmodi fontibus soteriis experientia docet, quod non tam cathartica uirtute polleant, quam aliis quibusdam modis et uis utiliter euacuent, praesertim per urinam; quem quidem effectum licet aqueis particulis stricte dictis, utpote maximam omnino partem liquoris compositi constituentibus, potissimum deberi ultro agnoscam, non minus tamen quam purgandi facultatem, a mineralibus salibus aquae immensis adiuuari persuasum plane habeo.

§. XIII.

Opportune nunc adgredior dicere de DIVRETICORVM, siue urinam promouentium remedium ex minerali regno praestantia, posteaquam hanc ipsam fontibus quibusdam, isto etiam nomine salubribus, obiter quasi iam uindicauimus. Exploratum uero satis est, quod non una ratione agant diuretica. Quaedam enim diluendo, ac uelut inundando massam sanguineam, operantur, laudato antea exemplo aquarum: quaedam incidendo et attenuando humores, ac seorsim serum sanguinis, insimulque stimulando fibras motrices organorum, quae secretioni et excretioni urinae, inseruiunt. Vtroque modo efficaciam suam exercent egregie SALIA quaedam MINERALIA, quorum supra iam facta est mentio, inprimis autem SAL COMMUNE appellatum, siue ex fontibus medi-

(*) pro Licentia defendente G. C. Ihl, 1719.

mediterraneis, siue ex aqua marina *coctum*, seu denique *effossum* e terra fuerit, cuiusmodi purum ac pellucidum, *sal gemmae* nuncupatur. Hoc genus salis, sicuti complurium *alimentorum* incomparabile praebet *condimentum*, et adeo per ipsum hunc diaeteticum usum salubritatem suam luculenter ostendit, ita *medicamenti* etiam *loco*, praesertim *diuretici*, prae multis artificiose compositis, quam utilissime adhiberi potest, et sine dubio frequentius adhiberetur, nisi propter usum quotidianum aut vilipenderetur, aut nimis familiare corporibus hominum existimaretur. Interim et *inciderdi et stimulan-*
di sine omnino plurimum commodat, ideoque inter *digestiva* perinde ac *diuretica* paucis cedit; ut hodie derideantur, qui salis usum liberaliorem ad calculi generationem mirum quantum facere statuunt, cum potius eadem hinc impediatur, et coagula mucofo-tartarea in renibus et uesica, beneficio alimentorum rite salitorum discutiantur, aut ad egestionem promoueantur.

§. XV.

Ceterum quia *sal commune*, ac *species eius*, hoc habent incommodi, si liberalius adsumantur, *quod desiccant nimium et calefaciant*, proptereaque tali iam intemperie laborantibus minus conducant. His in casibus aut substitui, aut saltem coniungi quam rectissime solet NITRUM. Hoc *sal*, quemadmodum *in refrigerando et qualemunque sanguinis aestum contemperando*, par et simile in omni materia medica uix habet, sic seorsim *diuretico usu* eminet, in ipsa etiam nephritide, seu renum dolorifica inflammatione, aut a calculo, aut aliunde exorta, nec raro cum urinae difficultate aut suppressione coniuncta; quam illius utilitatem, iuxta cum aliis dotibus eximiis, pro dignitate sua, inter primos celebravit

Illustris D. *Stablius* (*). Idem uero *nitrum* tanto maiorem meretur laudem, quanto minori indiget praeparatione, ac simpliciter *saltem depuratum* iterata solutione et coagulatione, compluribus antecellit, curiose ac sumtuose praeparatis, tum pro isto fine indicato, tum pro aliis non paucis. Absit interim, ut reiiciam *uarias nitri praeparationes aut compositiones*, singularibus quibusdam casibus dicatas, et passim consensu medicorum prudentium receptas. Vnum hoc addo, quod tam *nitrum*, quam *salis communis*, ut aliae in uniuersum species salium, optatius plerumque operentur propinata largo cum uehiculo aquae, pridem hoc insinuante chimicorum axioma; *salia non agere nisi soluta*; quod etiam *fundamentum* esse mihi uidetur *energiae aquarum mineralium medicatarum*.

§. XVI.

Possem hic etiam comminisci *spirituum acidorum*, qui *artificio chimico* producuntur ab *istis salibus mineralibus*, similiterque promouent diuresin; quo nomine haut nuper in usum trahi coeperunt *spiritus salis communis, et nitri*, nec non *clyssi* uulgo sic nominati *minerales*, ad quorum ordinem quoque pertinet *tinctura nephritica Amelungii*, olim inter arcana diuretica et lithonriptica celebris. Non possum uero penitus omittere, quae *indolis* sunt *magis alcalicae mineralia*, *diureticam uim pariter exerentia*. Haec uero niti uidetur alio fundamento, aliaque uia procedere, uidelicet *praecipitando serum sanguinis per meatus urinarios*. Talia sunt quaedam *lapidum specimina*, utpote *LAPIS IYDAICVS, LYNCTIS* et *LVDVS HELMONTII* dictus; quorum singuli in materia terrestri *particulas fixiores salinas et sulphureas* recon-

dunt,

(*) Obs. chim. med. mens. Mart.

dunt, ac per has istam *lotium*, eiusdemque coagula praecipitandi efficaciam perficiunt. Ad hanc quoque classem pertinent SILICES CALCINATI, et LIQVOR ex iisdem praeparatus secundum *Glauberi* praescriptionem; qui tamen liquor, cum de sale tartari participet, non potest reputari inter remedia mere mineralis praesentiae.

§. XVII.

Dum de *diureticis* sermocinatus sum haecenus, iisdem etiam iure adiungerem SVCCINVM et ex eo paratum *sal*, communiter quidem uolatile dictum, sed reuera non tale, ad acidorum uero genus accedens, uix unquam oleoso-empyreumaticis particulis destitutum, eapropter *hystericum* magis, uti *succinum* ipsum et *essentia* eius, multis aliis uirtutibus, seorsim EMMENAGOGA, siue uterum expurgandi facultate pollens; ut adeo ne hoc quidem in censu desit *mineralium remediorum* praestantia. Ad idem genus referre non dubitarem, ex communi medicorum opinione, BORACEM, singulare *salis* specimen, dummodo de natalibus ipsius satis mihi constaret; Interea obscurae licet originis *boracem*, non solum *mineralibus* annumeratam, sed etiam *ad partum, secundinas, lochia* promouenda, multum efficacem ab auctoribus innumeris laudari deprehendo. Neutiquam uero lubet immorari talibus, quae aut non satis explorata, aut originis saltem respectu dubia sunt *euacuantia*, praesertim *minus uniuersalia*, cuiusmodi esse apparent ea, de quibus modo dixi, *emmenagoga*.

§. XVIII.

Progredior itaque ad *alios euacuantium auxiliorum ordines*, ac nominatim ad eum, qui continet DIAPHORETICA s. transpirationem fuliginum per poros cutaneos et *sudationem* prouehentia. Vulgo diuiduntur haec in *uolatilia*

et *fixa*: Illorum perpauca uidetur subministrare *regnum minerale*, plura posterioris generis, *fixa* scilicet. Neque tamen penitus desunt *uolatilia*, e. gr. *succinata*, paulo ante commendata, tum et *clyssi minerales*, quibus etiam nonnulla e *SULPHURE* parata, ipsosque seorsim *flores* eius haut inepte adscripserim. Multo autem celebriora existunt *diaphoretica mineralia fixiora*, quorum agmen ducit *ANTIMONIVM* istud famosissimum *DIAPHORETICI COGNOMINE*, cum triplo nitro deflagratum et calcinatum, cuius etiam habetur in usu *magisterium*. Ab isto parum discrepat *CERVSSA ANTIMONII*, quae *ex regulo simplici*, eadem enchirisi paratur. Nec alienae est prosapiae *BEZOARDICVM MINERALE* dictum, quamuis artificio diuerso producat, in compluribus chimico-pharmaceuticis libris legendo. Impetrauit autem hoc medicamentum illud nomen *ab analogia quadam effectus cum lapide bezoar*, in corrigendis ac per diaphoresin eliminandis miasmatibus malignis. Atqui eadem facultas communis fere est plerisque *diaphoreticis*, etiam simplicioribus, *TERRIS* praecipue iam olim ideo celebratis, cuiusmodi sunt *BOLVS ARMENA* et *TERRA LEMNIA*, quibus uno alteroue abhinc seculo substitutae sunt, non sine salutari successu, *TERRAE SIGILLATAE* uariae, curiosius quidem, ac fieri uulgo solet, eligendae.

§. XVIII.

Dimitterem nunc totum genus *euacuantium e regno minerali remedium*, nisi nefas esse putarem tacere penitus *SALIVANTIA* aut *SALIVATORIA* uulgo dicta, quae scilicet massam sanguineam per glandulas ductusque salivales a uariis impuritatibus, e. gr. luis uenereae, scorbuti etc. concitato in buccam affluxu liberant. Talium uix quicquam peti potest ex uegetabili, nedum animali re-

gno;

gno; nisi uelis huc trahere *apophlegmatismos* et *mastica-*
toria, olim iam usitata, quae ex rebus acribus, e. g. py-
 rethro, staphide agria, sinapi, cubebis etc. componun-
 tur, et forma aut liquida aut solida in os ingeruntur.
 Haec uero, qualiacunque sint, certum est, quod altius
 non penetrent, quam in uicinarum partium uasa et glan-
 dulas, circa caput et collum dispersas, et adeo *pruatorum*
saltem euacuantium mereantur titulum. Consimilis fere
 est conditio *Tabaci* siue *herbae Nicotianae*, cuius masti-
 catione pauci, fumo quam plurimi hodie ita utuntur,
 ut manifestum committant abusum, praeter omnem ra-
 tionem ac salutarem effectum, illi nimium indulgentes.
 Ista uero, de quibus dicere incepi, *saluatoria mineralis*
regni, sunt quasi *uniuersalia*, totumque corpus permeant,
 et e quibuslibet partibus ac locis adigunt peccantem ma-
 teriam, sub feri et lymphae uehiculo, ad fontes saliuales.

§. XX

Dum generaliter id asseuero, unicum indigitò HY-
 DRARGYRVM, siue MERCVRIVM chemicis appellatum.
 Hic enim *crudus* etiam, uulgatissimo hodie experimen-
 to, facili artificio subactus *in unguenti formam*, per mem-
 bra corporis exteriora, iterato actu *illitus*, sic sensim per-
 meat totum corpus, et singulari quadam ratione serum
 sanguinis disponit ad depurgandum per ista glandularum
 incernicula. Non solum autem illo inunctionis modo,
 uerum etiam *per os in uentriculum adsumtus* MERCVRIVS,
 repetitis pariter dosibus eundem producit effectum sali-
 uationis: ubi quidem *non tam crudus, quam chimice prae-*
paratus, cum primis ille DVLCIS, alio ex capite supra iam
 commendatus adhibetur, ea quidem quantitate, qua aluum
 mouere ad deiectionem nequeat. Qui sane modus admi-
 nistrandi *saliuationem*, sic appellatam *mercurialem*, altero

fere commodior ac tutior existit. Locum uero etiam inuenit tertius quidam modus obtinendi eundem effectum, iniecta carbonibus candentibus CINNABARI, ex hydragyro et sulphure confecta, indeque hausto *per nares et buccam fumo*; quae tamen saluam proritandi ratio, sicut ad illam ante notatam apophlegmatismorum prope accedit, ita prioribus postponenda et in subsidium saltem illorum adhibenda esse mihi uidetur. Minoris adhuc momenti apparet *cinguli mercurialis et emplastrorum consimilium applicatio*, saltem manifeste sunt particularia ferosae humiditatis incitamenta. Firmum nihilominus permanet, *in saluationis ciendae*, ad morbos etiam grauissimos sanandos *negotio, mercurialia medicamenta cunctis aliis praestare.*

S. XXI.

Nunc autem ad *alteram medicamentorum classem*, ALTERANTIVM scilicet, progredior, ostensurus eorum quoque exemplis *multiplicem mineralium praestantiam*. Quod uero de *euacuantibus* ante declaratum fuit, quam *multa diuersaque* sint ipsorum *genera*, idem et longe magis adhuc de *alterantibus* obseruatur, ut longum nimis foret, si singula ipsorum *genera subalterna* uellem percurrere. Quare ex aliquibus saltem eminentioribus *notatu digna quaedam specimina* depromere mihi sufficiet. Offerunt autem se primum ABSORBENTIA, quae dyscrasiam humorum acrem, salinam, ad acidum praefertim inclinantem obtundunt, inuertunt, praecipitant. Talium fane *tam copia quam efficacia* plurimum excellit *minerale regnum*. Documento sunt *Terrae* iam supra, licet alio respectu, nominatae, quibus seorsim accenseri debet LAC LVNAE dicta, subtilioris margae species, et ipsa cum primis CRETA, cuius potentiam in *ferendo*

dando stomachi ardore uel soda, in uulgus quoque nota est. Eandem *absorbendi uim* possident nonnulli LAPIDES, sed qui ad illam exercendam praeparatione et in puluerem conuersione indigent. Prae ceteris eminet CRYSTALLVS MONTANA *praeparata*, quae, ut aliam fere quamlibet, sic seorsim *biliosam acrimoniam*, potentius, quam quicquam aliud, edomat, proptereaque *in febribus biliosis, et ipsa cholera*, auxilium confert sine pari, ut alia plura in aemulationem adducere superuacuum foret.

§. XXII.

Non minus autem efficacia *medicamenta* ADSTRINGENTIA suggerit *mineraleregnum*. Quid enim isto titulo insignius est ALVMINE? quod Graeci propter ipsam *in adstringendo summam potentiam*, nuncuparunt *συρτηριον*, ἀπὸ τῆς συρῆς, i. e. *adstringere*. Nolo de *internis usibus* eius iactare multa, cum constet, quod perinde ut alia *adstringentia*, *alumen* saepe supra intentionem, et non sine periculo, operetur. Quantum uero *extrinsecus* ualeat, ex hoc solo satis aestimare licet, quod uix ulla *liquoris* aut *pulueris styptici* uel *ischaemi* compositio sit, quae *alumen* non recipiat. Huic propinquum effectus est VITRIOLVM, non tam crudum et integrum, sed *quod urendo et calcinando* acoris acidi parte quadam cum phlegmate suo orbatum redditur, et *capitis mortui* aut *colcothar* nomine uenit, iisdemque *externis in casibus* impenditur, *ubi sanguinem sistere ac potenter adstringere conuenit*. Inter ea uero, quae maiori cum securitate, *adstringendi causa*, *interne* adhiberi possunt, primas sine dubio tenet HAEMATITES *lapis*, qui hoc nomen aequae *a cohibendo sanguine*, atque ab huius colore, quem refert, accepisse uidetur. Omitto *lapides alios* eiusdem facultatis

participes; neque *crystalli*, hoc etiam titulo meritas laudes repeto; neque *terrarum* quarundam, *bolarium* imprimis, et quae *martialis* sunt *naturae*, prolixam commendationem instituo, cum peruulgata sit illarum in adstringendo utilitas.

§. XXIII.

Contraria sunt adstringentibus *APERIENTIA*, quae uasorum, sanguinem aliosque humores continentium atque transmittentium meatus, ostia, poros, a praeternaturali constrictione aut obstructione liberant. Horum quaedam id efficiunt *directe*, tum ipsos humores attenuando, et in motum ciendo, tum uasa continentia distendendo ac referando, qualia Graecis *ἀνασφαιτικά* audiunt. Quaedam uero *per indirectum* (ceu uulgo loquimur) *aut per accidens aperiendi effectum praestant*, quatenus tonum fibrarum motricium in uasis ipsis et circa haec intendunt, ad promouendam decumbentem lentamque in motu materiam. Posterioris huius generis incomparabile praebent specimen *MARTIALIA*, quamuis eorum quaedam, salibus acidis fixioribus imbuta, euidenter styptica existant, croci martis adstringentis notissimo exemplo. Aliquibus autem *martialibus* satis iuste attribuitur *aperientium* titulus, comprobante effectui. Haut exiguus eorum, tam *liquidae* quam *siccae formae*, est numerus, tincturarum nempe, essentiarum, siruporum, extractorum, crocorum numerus. Facile tamen ad stipulor *Sydenhamio*, qui sua multiplici experientia fretus asseuerat (*) *nudam chalybis substantiam et felicius et breuiori temporis spatio curationem hypochondriaco-hystericae passionis absolueret, quam si is, quouis ex iis, qui uulgo feruntur, modo fuerit praeparatus*. Hanc suam as-

fer,

(*) opusc. uniuers. p. m. 508.

fertionem rationibus et exemplis abunde comprobat laudatus auctor, ut ad ipsum, uel solum, prouocasse mihi satis sit. Ceterum, pro diuersis casibus et medendi scopis, alia atque alia *ex Marte seu chalybe praeparata* eligi ac praescribi utiliter posse non negauerim; tametsi *limatura Martis*, dummodo satis pura et subtilis, aut in pilulas cum extractis congruis, aut in bolum electuariumue cum conferuis subacta, officium *aperiendi* ex uoto ut plurimum praestare queat. Tribus quasi tantum uerbis insinuo, quod *acidularum aquarum uirtus aperiendi*, propter quam praecipue frequentantur, ab iisdem martialibus, in *pyritosa matrice* contentis, salino-sulphureo-ochreis particulis proficiscatur.

§. XXIIII.

Anceps propemodum haereo, quaenam prae ceteris debeam producere *alterantium medicamentorum, e minerali regno genera*. Dicerem de REFRIGERANTIBVS, nisi AQVAE uel SIMPLICIS ac putealis, fluuiatilis etc. eminentissima hoc nomine utilitas non modo hominum, sed etiam brutorum animantium naturali uelut instinctui esset familiarissima. De NITRO autem iam supra §. XV. haut obscure notauimus, quantum *refrigerando* polleat; uti sane hoc respectu, non solum in mineralium ordine, sed et in omni materia medica, illud uix quicquam aequale nedum superius habet. Notior quoque est, quam ut operosa commendatione indigeat, *facultas refrigerandi ac sitim sedandi* SPIRITVVM ACIDORVM MINERALIVM, ipsius *nitri* tum et *sulphuris* et *uitrioli*, e quibus, idoneo *liquore* potulento rite permixtis ac dilutis, parantur toto die efficacissima eundem in finem *iulapia*. Iuuabit autem breuiter duntaxat edisfere quorundam *mineralium praestantiam in benefaciendo* certis

certis aliquibus humani corporis partibus atque membris, usu multiplici confirmatam.

§. XXV.

Inter CEPHALICA atque NERVINA excellit CINNABARIS, *natiua* quidem praecipue, sed huic citra errorem substituenda etiam *factitia*, saltem purior, tum et *antimonii*. Eius elementa, hydrargyrum scilicet ac sulphur, amicabili plane uinculo coniuncta, uelut a priori, conuenientem apprime cerebro et generi nervoso medicinam promittunt, non tantum absorbente leniterque discutiente humorum stases, uerum etiam *paregorica et roborante uirtute*. Seorsim *spasmodicis in affectibus* adeo conducit *cinnabaris*, ut pridem Ioannes Crato non situeritus eam appellare *magnetem epilepsiae*. Quotusquisque autem hodie medicorum est, quem fugiat *pulueris specifici cephalici Michaëlis* celebritas, qui pro basi habet *cinnabarim*. Huic non immerito adiungam *succinum*, eiusque praeparata uaria, quorum sub diureticis facta iam est mentio. Eadem uero *capiti catharrhis afflicto* incomparabilem afferunt opem, et alia, pro eodem fine frequentata, longe post se relinquunt. Ast enim uero, CARDIACIS destitui *regnum minerale*, crediderit fortasse aliquis? cui solam obuiocio AMBRAM, quae *grysea* cognominatur, delicatissimam bituminum speciem, particulis sulphureis suauissimis, principio uitali roborando, ac reficiendo aptissimis praeditam; pro cuius indole intimius perspicienda remitto L. B. ad *singularem de Ambra Dissertationem* (*) *Spectatissimi Domini Decani*, D. IOAN. IACOBI BAIERI, Hospitis ac Promotoris mei plurimum colendi. Ceterum, quod in §. IIII. iam retuli, omnino multum facit ad *Ambrae commendationem*,

(*) quae habita est Ienae, A. 1698.

nem ipsam non egere laboriosa praeparatione; quandoquidem *in puluerem tantum contrita cum saccharo* scilicet, commode assumi potest; quamuis etiam non uno modo parata aut composita constet *ambrae essentia*, iisdem *usibus cardiacis et analeptis*, quin etiam *cephalicis* inseruiens.

§. XXVI.

De PNEVMONICIS, quae communiter uocantur PECTORALIA, et *pulmonum uitiis medentur*, et quae ex *regno minerali* possunt peti, parum quidem gloriari liceret, si forte SVLPHVR eiusque *praeparata* excipiantur. Quid autem notius est in praxi medica illo usu, in asthmate pituitoso et tussi humida, quem *flores sulphuris*, tum et *magisterium siue lac sulphuris*, *balsama* denique uariis menstruis, e *sulphure* parata, cum primis *anisatum*, conferunt? Taceo AVRIPIGMENTI et ipsius ARSENICI RVBRI, uulgo SANDARACHA dicti, applicationem *in suffimigio*, ad *pulmonum exulcerationes*, rite prius deterfas, efficaciter exiccandas: de quo remedii genere, mihi quidem haut leuiter suspecto, legi potest *Christianus Bennet* (*). Notabilis autem, quae usum illum *auripigmenti* confirmat historia, occurrit apud *Riuerium* (**).

§. XXVII.

Nec plane deficiunt STOMACHICA *remedia mineralis profapiae*. In *anorexia*, a debilitate caloris, non datur melius remedium, quam AMBRA, in substantia cum saccharo mixta, perhibente *Ioan. Michaelis* (***). Quod *Specifici Stomachici Poteriani* nomine circumfertur operosae praeparationis

(*) in tabidor. theatr. p. m. 146.

(**) centur. IV. append. observ. communicat. 2.

(***) prax. clinic. Part. I. Libr. IV, C, 2.

parationis medicamentum, ex nitro et sulphure, hinc reguli antimonii martialis et auri accessione, uix puto tuebitur suum istum titulum, sed magis ad aperientia respicere mihi uidetur. Cum uero haut minima uentriculi mala oriantur ab eius *cruditate acida* aut *biliosa*, ad utramque corrigendam, adeoque *ardorem stomachi* auferendum, mirifice conducunt laudata in §. XXI *absorbentia*, quibus hic adiicio LAPIDEM SPECVLAREM, qui alias selenites, et uulgo nostratum Feder-Weiß dicitur. Huius nuper admodum, tanquam remedii in illis casibus praestantissimi, fama percrebuit, ususque tantus inualuit, ut plaustratim quasi a suis locis natalibus deuehatur in Austriam aliasque prouincias, ubi per diaetam uinosam peccatur, et homines frequenter laborant *soda*.

§. XXVIII.

Quae *intestinatorum morbis* succurrant *mineralia*, implicitae iam commemorata sunt sub ordinibus *purgantium*, *absorbentium*, *adstringentium*, et *aperientium*. Seorsim uero nunc ueniunt extollenda, quae *lumbricos intestinatorum profligant aut necant*, graeco idiomate ANTHELMINTICA nuncupata; in quorum omni apparatu haecenus explorato, nullum est potentius HYDRARGYRO, cuius etiam *infusum* aut *decoctum* cum simplici aut destillatis congruis aquis paratum, mulierculis etiam cognito experimento, *fugat aut occidit uermes intestinatorum*, saltem teretes et ascarides. Praesentior autem est uirtus *mercurii dulcis*, tam in destruenda sobole uerminola, quam educenda: Nec minus efficacem se praebet *aethiops mineralis*, eo speciatim casu praeferendus, ubi non opportuna est catharsis. Quando istum fane nobilissimum *remediorum mercurialium usum* notauit *anthelminticum*, statim alius succurrit aeque memorabilis, uidelicet in auferendis *pedi-*

pediculis, cuiuscunque speciei, et *curanda scabie cognatisque ipsi affectibus*. Ast enim uero cum nimis trita ac peruulgata sit ea utilitas, non lubet eandem multis uerbis exaggerare. Omitto etiam *reliqua medicorum praesidiorum genera*, in quibus excellunt RES MINERALES, attingere, cum festinandi necessitas urgeat, ut toti meae DISSERTATIONI faciam

F I N E M.

CORRIGENDA QVAEDAM.

Pag. 4. lin. ult. pro *boc*. leg. *hoc*.

Pag. 13. lin. 6. pro *hydragyro* leg. *hydrargyro*.

Pag. 14. lin. 16. pro *immensis* leg. *immersis*.

Pag. 16. lin. 17. pro *comminisci* leg. *meminisse*.





NOBILISSIMO CLARISSIMOQVE

DN. CANDIDATO

S. P. D.

IO. IAC. BAIERVS, D.

ET PROF. MED. PRIMARIVS

H. T. DECANVS.

Accessisti nuper ad Nos, eo potissimum consilio, ut eruditionis, in Academia Ienensi, assiduis Medicinae studiis Tibi comparatae, approbationem nostram publicumque testimonium reportares. Ego uero, et D. D. Collegae mei, tanto faciliores in hoc Tuo desiderio nos praebuimus, quanto magis idoneum Te ad impetrandum deprehendimus. Etenim non solum doctrinae haud uulgaris indicia, uerum etiam, quae medicum apprime exornant, uirtutes, humanitas et modestia tua, beneuolentiam nostram adeo Tibi conciliarunt, ut festinanti etiam accommodaremus desideratam operam. Tu uero, mi charissime, rebus omnibus apud nos rite laudabiliterque confectis, in patriam reuertere bonis auibus, et CLEMENTISSIMI PRINCIPIS Tui, Mecoenatis incomparabilis, omniumque bonorum gratiam aucupare ex uoto, ut Medici gratiosi personam titulumque feliciter sustinere propediem queas, quemadmodum Nos fore omnino confidimus! Dab. Altorf I Nor. pridie Calend.

Febr. A. S. R. MDCCXXVII.

